

*Молебен собору новомучеников и исповедников Церкви Русския,
7 февраля 2016*

Священник (возглас): Благословен Бог наш...

Хор: Аминь. Царю Небесный...

Диакон: Бог Господь...

И поются тропари:

Тропарь новомученикам и исповедникам Церкви Русской, глас 4

Днесь радостно ликует Церковь Русская,/ прославляючи новомученики и исповедники своя:/ святители и иереи,/ царственные страстотерпцы,/ благоверныя князи и княгини,/ преподобныя мужы и жены/ и вся православныя христианы,/ во дни гонения безбожнаго жизнь свою за веру во Христа положившыя/ и кровью Истину соблюдшыя./ Тех предстательством, Долготерпеливе Господи,/ страну нашу в Православии сохрани// до скончания века.

Тропарь свмч.Иоанну Восторгову, глас 5-й

Любовию к Богу распалюемь, / жизнь свою мученически за Христа и ближних положил еси, / сего ради венец правды от Него приял еси. / Моли Всеблагаго Бога, священномучениче Иоанне, Церковь Святую сохранить в мире // и спасти души наша.

Тропарь свмч.Павлу Ансимову, глас 3-й

Церкве Русския столпе непоколебимый,/ благочестия правило,/ жития евангельскаго образе,/ священномучениче Павле,/ Христа ради пострадавый даже до крове,/ Егоже моли усердно,/ яко Начальника и Совершителя спасения,/ Русь Святую утвердити в Православии// до скончания века.

Слава: и ныне... Богородичен, глас 3-й

Тя ходатайствовавшую спасение рода нашего, воспеваем Богородице Дево: плотию бо от Тебе восприятую Сын Твой, и Бог наш, Крестом восприим страсть, избави нас от тли яко Человеколюбец

Запевы:

«Слава Тебе, Боже наш, слава Тебе»

«Пресвятая Богородице, спаси нас»

«Святити новомученицы и исповедницы Церкви Русския, молитесь Бога о нас»

«Святый священномучениче Иоанне, моли Бога о нас»

«Святый священномучениче Павле, моли Бога о нас»

Затем: «Слава».

— Хор: «И ныне».

Прокимен, глас 4: Пройдохом сквозе огонь и воду, и извел еси ны в покой.

Стих: Разжегл ны еси, якоже разжизается сребро.

Евангелие от Матфея, зачало 36 (10, 16-22)

Затем произносится сугубая ектения — «Помилуй нас, Боже...».

После ектении произносится возглас: «Услыши ны, Боже»

Молитва:

О, святии новомученицы и исповедницы Российстии: святителие и пастырие Церкви Христовы, царственнии страстотерпцы, благовернии князие и княгини, доблии воины, монаси и мирстии, благочестивии мужие и жены, во всяцем возрасте и сословии за Христа пострадавшии, верность Ему даже до смерти свидетельствовавшии и венец жизни от Него приявшии!

Вы во дни гонения лютаго, землю нашу от безбожных постигшаго, на судищах, в заточениях и пропастех земных, в горьких работах и всяких скорбных обстояниях образ терпения и непостыднаго упования мужественне явили есте. Ныне же, в раи сладости наслаждающесе, пред Престолом Божиим во славе предстоите и присно хвалу и ходатайство со Ангелы и всеми святыми Троидиному Богу возносите.

Сего ради мы, недостойнии, молим вас, святии сродницы наши: не забудьте земнаго отечества вашего, грехом каинова братоубийства, поруганием святынь, безбожием и нашими беззаконии отягченнаго. Умолите Господа Сил, да утвердит Церковь Свою непоколебиму в мире сем многоятежном и лукавом; да возродит в земли нашей дух братолюбия и мира; да паки будем мы царское священство, род Божий, избранный и святой, присно с вами славящий Отца и Сына и Святаго Духа во веки веков. Аминь.

Затем: «Премудрость. Пресвятая Богородице, спаси нас», и проч. И бывает отпуст с упоминанием собора новомученников и исповедников Церкви Русския и имен священномученников Иоанна и Павла.